


摩訶僧祇律

卷三十三

三百九
棋三

49837



British Library

摩訶僧祇律卷第三十三

攝

東晉三藏法師佛陁跋隨羅共沙門法顯譯

雜誦跋渠法第九之十一

七百集法藏者佛般泥洹後長老比丘在毗舍
離沙堆僧伽藍尔時諸比丘從檀越乞索作
如是哀言長壽世尊在時得前食後食衣服
供養世尊泥洹後我等孤兒誰當見與汝可布
施僧錢物如是哀聲而乞時人或與一剎利
沙槃二剎利沙槃乃至十剎利沙槃至布薩
時盛著盆中持拘鉢量分次第而與時持律
耶舍初至次得分問言此是何物荅言次得
剎利沙槃醫藥直耶舍荅言過去問言何故

過去施僧耶荅言不又問何故過去荅言不淨
諸比丘言汝謗僧言不淨此中應作舉羯磨
即便爲作舉羯磨作舉羯磨已時尊者陁娑
婆羅在摩偷羅國耶舍即往詣彼作是言長
老我被舉行隨順法問言汝何故被舉荅言如
是如是彼言汝無事被舉我共長老法食味
食耶舍聞是語已作是言諸長老我等應更
集毗尼藏勿令佛法頽毀問言欲何處結集
荅言還彼事起處時摩偷羅國僧伽舍羯兩
者舍衛城沙祇介時中國都有七百僧集有
持一部毗尼二部毗尼者又從世尊面受者
又從聲聞受者時有凡夫學無學人三明六通

得力自在七百僧集毗舍離沙堆僧伽藍嚴
飾床褥介時尊者大迦葉達頭路優波達頭
路尊者阿難皆已般泥洹介時尊者耶輸陁
僧上座問言誰應結集律藏諸比丘言尊者
陁娑婆羅應結集陁娑婆羅言長老更有餘長
老比丘應結集諸比丘言雖有諸上座但世
尊記長老和上成就十四法持律第一汝從
面受應當結集陁娑婆羅言若使我結集者
如法者隨喜不如法者應遮若不相應者應
遮勿見尊重是義非義願見告示皆言介時
尊者陁娑婆羅作是念我今云何結集律藏
有五淨法如法如律者隨喜不如法者應遮

何等五一者制限淨乃至風俗淨作是言諸
長老是九法序何等九從四波羅夷乃至隨
順法卍尊在某處某處爲某甲某甲比丘制
我從和上聞爲如是制此戒不皆言如是如
是五事記毗尼廣說如上乃至諸長老是中
須鉢者求鉢須衣者求衣須藥者求藥無有
方便得求金銀及錢如是諸長老應當隨順
學是名七百結集律藏

略說毗尼者佛在迦維羅衛尼俱律樹釋氏
精舍時有二比丘尼一名難陁二名鬱多羅
隨佛六月求教誡法白佛言善哉卍尊願爲
我略說毗尼使我得解佛告比丘尼貪欲不

解因緣共相習狎論說俗事增長受陰多欲
不知止足增貪欲瞋恚愚癡諍訟不和合非
寂非覺非泥洹當知非法非毗尼非佛教當
作是知無欲解因緣不相狎習離俗言論不
長受陰少欲知足無貪欲瞋恚愚癡離諍訟
和合寂靜覺泥洹如是當知是法是毗尼是
佛教是名略說毗尼

刀治及灌筒

剃髮并作具

和合不和合

五百與七百

略說毗尼後

第十跋渠竟

毀訾者佛住舍衛城時六群比丘方類毀訾
比丘諸比丘以是因緣具白世尊佛言呼六
群比丘來來已佛問比丘汝實尔不荅言實

余佛言此是惡事從今日後不聽毀咎毀咎者業方面性形貌病罪罵結使業者說自解有人說者長老此中有旃陀羅竹師皮師瓦師乃至獄卒魁膾是名說自解者長老我非旃陀羅乃至獄卒魁膾是名自解又人者此中或有人是旃陀羅乃至獄卒是名有人如是方面性形貌病罪結使亦如是是中毀咎越毗尼罪是名毀咎

伎樂者佛住王舍城伽蘭陀竹園時六群比丘先至作伎樂處視占如坐禪比丘伎兒旣集作衆伎樂衆人悅樂喜笑比丘默然衆人笑已比丘方更拍手大笑衆人覓看伎兒不

得雇直嫌言坐是比丘令我等不得財物此
壞敗人何道之有諸比丘聞已以是因緣具
白世尊佛言呼六群比丘來來已佛問比丘
汝實亦不荅言實亦世尊佛言此是惡事從
今日後不聽觀看伎樂伎樂者打鼓歌舞彈
琵琶鐃銅鈸如是比種種伎樂不至四人聚
戲不聽看若比丘入城聚落若天像出若王
出翼從作種種伎樂遇行觀見無罪若作方
便看越毗尼罪若佛生日大會菩提大會轉
法輪大會五年大會作種種伎樂供養佛若
檀越言諸尊者與我和合翼從世尊亦時得
與和合在坐若坐中有種種伎樂生染著心

者即應起去是名伎樂

香華者佛住王舍城時節會日六群比丘難
陀優波難陀以香塗身著優鉢羅華鬘瞻匄
華鬘有著草華鬘共行爲世人所嫌云何沙
門釋子著優鉢羅華瞻匄華鬘猶如王子大臣
又如作使賤人著草華鬘此壞敗人何道之

有諸比丘聞已以是因緣往白世尊佛言喚
六群比丘來來已佛問比丘汝實不答言實
尔世尊佛言從今已後不聽著香華香者栴檀
沉水如是比一切香皆不應著若比丘熱病
醫言當須栴檀香塗尔時得用香塗若欲塗
時先應供養佛香塗塔然後塗身塗身已不

得在衆人中當在屏處病瘥淨澡浴身然後
入衆華者優鉢羅瞻蔔須摩那如是一切華
不應著若比丘患眼痛頭痛醫教言當須華
髮繫頭瘥者得繫若欲繫者當先供養佛塔
然後得繫繫已不得在衆人中當在屏處瘥
已當捨若著香不著華一越毗尼罪若著華
不著香二越毗尼罪二俱著犯二俱不著無
罪是名香華法鏡法者佛住舍衛城時祇洹
精舍有檀越飯僧打鍵椎時難陀優波難陀
照鏡自觀停久不至爲檀越所嫌我捨棄家
業故來飯僧而諸比丘不時來集諸比丘以
是因緣往白世尊佛言喚難陀優波難陀來

來已佛問難陀優波難陀汝實余不荅言實
余佛言從今已後不聽照鏡鏡者油中水中
鏡中不得為好故照面自看若病瘡照面自看
病瘡不瘡若新剃頭自照看淨不淨頭面有瘡照
看無罪為好故照鏡越毗尼罪是名鏡法
擔法者

佛住曠野精舍爾時營事比丘持擔輦埽泥
土為世人所譏云何沙門釋子如奴僕使人
客作人擔負泥土此壞敗人何道之有諸比
丘以是因緣往白世尊佛言呼營事比丘來
來已佛問比丘汝實余不荅言實余佛言從
今已後不聽擔擔者 甬囊擔籠擔擔杖不擔

囊越毗尼心悔擔囊不擔杖越毗尼心悔二
俱擔越毗尼罪若精舍垣內石竹木重者得
擔若僧次作使坂瓶得繩連擔若前後擔衣
囊前後擔鉢俱越毗尼罪若長衣囊隨著肩
上鉢串肩無罪是名擔法

抄繫衣者佛住曠野精舍時營事比丘抄繫
衣輦塼石泥土為世人所譏云何沙門釋子
如奴僕使人抄繫衣作是壞敗人何道之有
諸比丘聞已以是因緣往白世尊佛言呼營
事比丘來來已佛問比丘汝實不答言實
不佛言從今已後不聽抄繫抄繫者一邊兩
邊抄繫盡不得若泥土作若覆屋泥屋得抄

繫內衣是名抄繫

上樹者佛住舍衛城介時世尊往鬱單越乞食時諸比丘作是念世尊還者必乘神足來或上樹上墻遙望世尊世尊知諸比丘心念即隱身自坐本座佛知而故問諸比丘何處去比丘即以上事具白世尊佛言從今已後不聽上樹樹者樹共人等不得上若作菩提大會欲莊嚴菩提樹一脚蹬樹一脚蹬墻越毗尼心悔二脚上樹越毗尼罪二脚墻上無罪蹬梯亦如是若道路行失道迷不知方面得上樹望無罪若虎狼師子如是比恐怖得上樹無罪是名樹法

火者佛住舍衛城介時世尊到時著入聚落
衣持鉢入城次行乞食乞食還自併牀褥不語侍
者及比丘僧往拘薩羅國波利耶娑羅林賢
樹下受象王三月供養乃至非時寒雨諸比
丘自然火向為世人所嫌沙門瞿曇無量方
便毀訾殺生讚歎不殺而今比丘然火燒地
擾傍一根諸比丘以是因緣往白世尊乃至
佛言從今已後不聽然火火者薪火草火牛
屎火糠火札火不得燒未燒地若次直溫室
若直月若燠鉢先使淨人知然後自燒無罪
若持炬行欲抖擻炬者不得在未燒地當在
灰上若瓦上若炬火自落地即在上抖擻無

罪若未燒地中然火越毗尼罪是名火法銅
孟法者佛住王舍城尔時鬱竭居士大施五
百象五百馬五百牛五百水牛五百婢五百
奴種種雜施中有銅孟諸比丘心生疑往問
世尊是淨不淨應受不受佛言一切銅孟不
聽受若施僧淨器應為呪願受若私畜銅孟
越毗尼罪得施淨人已用無罪是名銅孟法
迴向者佛住舍衛城諸天世人信心尊重持
種種飯食來供養佛比丘僧尊者舍利弗大
目連及諸比丘時六群比丘晨朝至精舍門
下立見世人持飯食來問言此食與誰答言
與世尊即語言世尊應供養次問此復與誰

答言與僧即言僧應供養次問此復與誰答
言與尊者舍利弗大目連語言此人應供養
次問此復與誰答言與某甲某甲比丘即便
語言某甲老病不能噉食但棄汝食當施我我
爲汝呪願使汝得食用功德時人直信即便
施之有點慧者不與作是言我何故與是無
慚愧人諸比丘以是因緣往白世尊乃至佛
問比丘汝實不答言實不佛語六群比丘
此是惡事汝云何知物向他自迴向己從今
日後不聽知物向他自迴向己物者八種時
食乃至淨不淨如上廣說若人問言尊者我
欲布施當施何處答言施僧若復問言何處

有持戒僧應語言無有犯戒僧汝但施若問
言何處有比丘能常一處修習行業令物久
在使我常見尔時得語某甲比丘可與知物
僧自迴向己尼薩耆波夜提知物向僧迴向他
波夜提知物向衆多人迴向衆多人知物向
一人迴向一人越毗尼罪下至知物向畜生
迴向餘畜生越毗尼心悔是名迴向法
毀咎觀伎樂 塗香并華鬘 擔持抄繫衣
上樹自然火 銅盃迴向物

十一跋渠竟

衆生者佛住王舍城尔時鬱竭居士大施五
百象乃至五百奴婢諸比丘心生疑悔往問

佛淨不淨應受不應受佛言一切衆生不聽受衆生者象馬牛水牛驢羊麀鹿猪奴婢如是及餘一切衆生不應受若人言我施僧奴不聽受若言我施僧園民婢不聽受若言我施僧奴不聽受若言我施僧使人不應受若言供給僧男淨人聽受若別施一人婢不聽受若奴若使人若園民不聽受若施淨人爲料理僧故得受若施尼僧奴不聽受若施園民不聽受若施婢不聽受若言供給尼僧女淨人聽受若別施一比丘尼奴不聽受若園民不聽受若施淨女人爲料理僧故得受若檀越作佛生日大會菩提大會轉法輪大會羅睺

羅大會阿難大會五年大會檀越信心歡喜
莊嚴象馬布施衆僧不聽受若檀越持鸚鵡
孔雀鷄羊麀鹿與不聽受若言不受者我當
殺之應語言汝自放已應與水食守護勿令
衆生傷害不得翦翅羽籠繫若能飛能行自
活放去莫拘制若受衆生者越毗尼罪是名

衆生法

樹法者佛住舍衛城介時檀越僧園中種菴
婆羅樹有一比丘截取爲一居士作房房成
施床褥請僧供養時種菴婆羅樹檀越亦在
會中見已問言尊者此是誰房比丘言是某
甲居士房時檀越言尊者何故取我樹爲他

作房此房即是我房心猶不悅即往詣佛所
頭面禮足却住一面即以上事具白世尊佛爲
說法示教利喜前禮佛足歡喜而去佛言呼
彼比丘來來已佛問比丘汝實亦不荅言實
亦佛言汝云何斫截華菓樹作房從今已後
華菓樹不聽斫華菓樹者菴婆羅樹閻浮樹
毗羅樹迦毗陀樹叵那婆樹椰子樹無憂樹
瞻婆樹枳薩羅樹阿提目多樹如是比一切
華菓樹不聽斫作房若樹老無華菓者應語
檀越言長壽是樹已老又須作房舍安置比
丘得大受用福若主聽得取不聽不得取若
畢須木用復妨他者使淨人以魚骨刺若灰

汁澆若樹已死應語檀越言此樹已乾欲須
用若聽者取用若比丘斫華菓樹者越毗尼
罪是名樹法

樵木法者佛住舍衛城今時聚落邊有精舍
客比丘來斫伐樵薪舊比丘言汝何故斫截
我等勤苦種植汝客來但逐陰涼坐不能助
愛護而狼藉稱意明日便去不知我苦如是語
已舊比丘乞食去後客比丘乾生合斫房前
積聚然火舊比丘乞食還見已即言汝何故
乾生合斫積聚然火客比丘言汝何故自取
然火而返遮我如是諍已二比丘往詣佛所
頭面禮足具白上事佛語諸比丘汝不得自

取遮他亦應當護不得乾生合斫房前積聚
然樵薪然法者然有准則尔許溫室中然尔許
廚下然尔許浴室中然尔許別房中然當分
應從限不得過取若然無定限者多亦無罪
不聽斫濕樹應取乾者僧坊內樹木觀望好
者不得斫山林無主守護斫者無罪是名樵

薪法

華法者佛住舍衛城聚落邊有僧伽藍時客
比丘來取華舊比丘言汝何以取華我等勤
苦種植守護漑灌汝客來但逐涼坐不欲料
理狼藉稱意明日便去不知我苦如是語已
舊比丘乞食去後客比丘成華不成華合折

狼藉積置房前舊比丘乞食還見華聚即言
汝何故聚華客比丘言汝何故自取而反遮
我如是諍已俱往詣佛具白上事佛語比丘
汝不得自取遮他應當愛護客比丘復不得
成未成合折積聚房前五法成就應拜作
分華人何等五不隨愛不隨瞋不隨癡不隨
怖知得不得是名五法羯磨者應作是說大
德僧聽某甲比丘五法成就若僧時到僧拜
某甲比丘作分華人如是白白一羯磨乃至
僧忍默然故是事如是持是比丘受羯磨已
應使淨人知華若華小者應器量分若手作
准則優鉢羅瞻蔔鉢頭摩分陞利如是等大華

應數分若佛華者應上佛若僧華者隨意供
養若轉易若華多者可與華鬘家語言汝日
日與我尔許鬘餘者與我尔許直得直已得
用作別房衣若前食後食若猶多者當著無
盡財中是名華法

菓法者如上華中說乃至拜羯磨已當使淨
人知菓若細者當量分若以手爲限若大者
如多羅菓毗羅菓椰子菓婆那娑菓菴婆羅
菓如是等當數分若多者應與販菓人日日
與我尔許菓餘者與我尔許直得直已應著
前食後食中若猶故多者當著無盡財中是
名菓法

種樹者佛住舍衛城。尔時有比丘於僧地中種菴婆羅菓。長養成樹。自取其菓。不令他取。諸比丘言。汝何故自取而遮他。荅言。我種此樹。護令長大。諸比丘以此因緣。往白世尊。佛言。此種殖有功德。一年與一年法者。若比丘僧地種菴婆羅樹。閻浮樹。如是比菓樹。應與一年取。若樹大不欲一年并取者。聽年年取一枝。枝遍則止。若種一園樹者。應與一年。若言我欲年取一樹。亦聽。若種蕪菁。若葱。如是比菜。應與一剪。若種瓜瓠。應與一番。熟取。是名種樹。法治罪法者。身行口行身口行。身不攝。故犯口不攝。故犯身口不攝。故犯身作口作。

身口作是名罪法無罪者身無行口無行身
口無行身攝故不犯口攝故不犯身口攝故
不犯身不作口不作身口不作是名非罪治
罪者波羅夷罪當云何治若作俗人若與作
學沙弥若僧中驅出僧伽婆尸沙罪云何治
若不覆藏應行摩那埤阿浮訶那覆藏者與
別住行摩那埤阿浮訶那尼薩耆者當云何
治隨前物應僧中捨已若上座應頭面作禮
執足若下座應胡跪合掌作如是言長老我
犯長衣已僧中捨波夜提罪我今悔過應問
汝見是罪不荅言見應語言莫更作荅言頂
戴持波夜提波羅提提舍尼越毗尼罪但名

差別亦如是治是名治罪法

衆生并種樹

薪積與華菓

種植聽一年

罪非罪治法

十二跋渠竟

滅者有七何等七現前毗尼憶念毗尼不癡

毗尼自言毗尼覓罪相毗尼多覓毗尼草布

地毗尼是名滅

滅事者四諍事何等四相言諍誹諍罪諍

常所行事諍是名四滅諍事調伏者折伏羯

磨不語羯磨驅出羯磨發喜羯磨舉羯磨別

住羯磨是名調伏

調伏事者五衆罪波羅夷僧伽婆尸沙波夜

提波羅提提舍尼越毗尼罪是名調伏事
聽法者佛住舍衛城尔時諸比丘白佛言世尊
聽我作草屋不佛言聽如是作壁作戶楣格
作戶扇作白泥作五種盡不佛言聽佛告諸
比丘如過去世時有王名吉利爲迦葉佛作
精舍一重二重乃至七重彫文剋鏤種種綵
畫唯除男女和合像種種者所謂長老比丘
像菰桃蔓摩竭魚鵝像死屍之像山林像如
是比一切是名五種畫佛住舍衛城聽作房
毗舍離聽乳酪蘇曠野聽魚肉如是一切聽
一切制皆在八大城一舍衛二沙祇三瞻婆
四波羅奈五拘睒弥六毗舍離七王舍城八

迦毗羅衛是九部經若忘說處者是八大城
趣舉一即名是處世尊所印是名聽法

塗面油者佛住舍衛城尔時精舍中檀越飯
僧時難陀優波難陀聞犍椎鳴方以油塗面
住不時出故為檀越所嫌諸比丘以是因緣
往白世尊佛言呼是比丘來來已佛問比丘

汝實尔不荅言實尔佛言從今已後不聽油
塗面油者胡麻油大麻油阿提目多華油瞻
婆華油等如是等比香油為好故塗面
越毗尼罪若洗浴時得用油若澡豆屑末塗
足油著手得用拭面無罪是名油法

粉法者佛住舍衛城尔時祇桓精舍有檀越

設供飯僧時六群比丘聞捷椎鳴方以粉拭
面不時出為檀越所嫌諸比丘以是因緣往
白世尊乃至佛言從今日後不聽比丘以粉拭
面粉者磨那石粉鈆錫粉如是比丘若為好故
乃至赤土塗面越毗尼罪若面有瘡癰瘰癧
起得塗無罪塗時不得在衆人中當在屏處
是名粉法

刷牙者佛在舍衛城乃至六群比丘刷牙任
不時出為檀越所嫌諸比丘以是因緣往白
世尊乃至佛言不聽比丘用刷刷頭刷牙者毛
刷草根刷如是比丘下至手刷為好故越毗尼
罪若剃髮已得手摩無罪是名刷牙法

梳法者佛住舍衛城世尊制戒不聽用刷時
有檀越飯僧難陀優婆難陀聞捷椎鳴方以
梳梳頭而住不時得出為檀越所嫌乃至佛
言不聽用梳梳者牙梳骨梳角梳木梳如是
比一切梳不聽用下至以手梳頭為好故越
毗尼罪是名梳法

髮簪者佛住舍衛城世尊制戒不得用梳乃
至六群比丘用簪搔頭不時得出為檀越所
嫌乃至佛言不聽用簪簪者金銀銅鐵鍮石
牙骨角竹木如是比一切不聽乃至以豪猪
獮為好故用刷頭越毗尼罪若手已淨頭痒
者得持物搔是名簪法

七滅并滅事

調伏調伏事

聽法油塗面

粉刷梳以簪

十三跋渠竟

塔法者佛於拘薩羅國遊行時有婆羅門耕地見世尊行過持牛杖拄地禮佛世尊見已便發微笑諸比丘白佛何因緣笑唯願欲聞佛告諸比丘是婆羅門今禮二佛諸比丘白佛言何等二佛佛告比丘禮我當其杖下有迦葉佛塔諸比丘白佛願見迦葉佛塔佛告比丘汝從此婆羅門索土塊并是地諸比丘即便索之時婆羅門便與之得已今時世尊即現出迦葉佛七寶塔高一由延面廣半由

延婆羅門見已即便白佛言世尊我姓迦葉
是我迦葉塔今時世尊即於彼處作迦葉佛
塔諸比丘白佛言世尊我得授泥不佛言得
授即時說偈言

真金百千擔

持用行布施

不如一團泥

敬心治佛塔

今時世尊自起迦葉佛塔下其四方周帀欄楯
圓起二重方牙四出上施槃蓋長表輪相佛
言作塔法應如是塔成已世尊敬過去佛故
便自作禮諸比丘白佛言世尊我得作禮不
佛言得即說偈言

人等百千金

持用行布施

不如一善心

恭敬禮佛塔

尔時世人聞世尊作塔持香華來奉世尊世
尊恭敬過去佛故即受華香持供養塔諸比
丘白佛言我得供養不佛言得即說偈言
百千車真金 持用行布施 不如一善心
香華供養塔

尔時大衆雲集佛告舍利弗汝為諸人說法
佛即說偈言

百千閻浮提 滿中真金施 不如一法施
隨順令修行

尔時座中有得道者佛即說偈言
百千世界中 滿中真金施 不如一法施

隨順見真諦

今時婆羅門得不壞信即於塔前飯佛及僧時
波斯匿王聞世尊造迦葉佛塔即勅載七百
車塼來詣佛所頭面禮足白佛言世尊我欲
廣作此塔為得不佛言得佛告大王過去世
時迦葉佛般泥洹時有王名吉利欲作七寶
塔時有臣白王言未來世當有非法人出當
破此塔得重罪唯願王當以塼作金銀覆上
若取金銀者塔故在得全王即如臣言以塼
作金薄覆上高一由延面廣半由延銅作欄
楯經七年七月七日乃成作成已香華供養
及比丘僧波斯匿王白佛言彼王福德多有

珍寶我今當作不及彼王即便作經七月七日乃成成已供養佛比丘僧作塔法者下基四方周帀欄楯圓起二重方牙四出上施盤蓋長表輪相若言世尊已除貪欲瞋恚愚癡用是塔爲得越毗尼罪業報重故是名塔法塔事者起僧伽藍時先規度好地作塔處塔不得在南不得在西應在東應在北不得僧地侵佛地佛地不得侵僧地若塔近死尸林若狗食殘持來汙地應作垣墻應在西若南作僧房不得使僧地流水入佛地佛地水得流入僧地塔應在高顯處作不得在塔院中浣滌曬衣著革屣覆頭覆肩涕唾地若作是

言世尊貪欲瞋恚愚癡已除用是塔為得越
毗尼罪業報重是名塔事

塔龕者介時波斯匿王往詣佛所頭面禮足
白佛言世尊我得為迦葉佛作塔龕不佛言
得過去世時迦葉佛般泥洹後吉利王為佛
起塔四面作龕上作師子象種種綵畫前作
欄楯安置華處龕內懸繒幡蓋若人言世尊
貪欲瞋恚愚癡已除但自莊嚴而受樂者得
越毗尼罪業報重是名塔龕法

塔園者佛住舍衛城介時波斯匿王往至佛
所頭面禮足白佛言世尊我得為迦葉佛塔
作園不佛言得作過去世時有王名吉利迦

葉佛泥洹後王爲起塔塔四面造種種園林
塔園林者種菴婆羅樹閻浮樹頗那娑樹瞻
婆樹阿提目多樹斯摩那樹龍華樹無憂樹
一切時華是中出華應供養塔若檀越言尊
者是中華供養佛菓與僧應從檀越語若華
多者得與華鬘家語言介許華作鬘與我餘
者與我介許直若得直得用然燈買香以供
養佛得治塔若直多者得置著佛無盡物中
若人言佛無姪怒癡用是華菓園爲得越毗
尼罪業報重是名塔園法

池法者佛住舍衛城乃至佛告大王過去迦
葉佛泥洹後吉利王爲迦葉佛塔四面作池

種優鉢羅波頭摩拘物頭分陀利種種雜華
今王亦得作池池法者得在塔四面作池池
中種種種雜華供養佛塔餘得與華鬘家若不
盡得置無盡物中不得浣衣浴洗手面洗鉢
下頭流出處得隨意用無罪是名塔池

塔枝提者佛住舍衛城乃至佛語大王得作
枝提過去迦葉佛般泥洹後吉利王爲迦葉
佛塔四面起寶枝提雕文剋鏤種種綵畫今
王亦得作枝提有舍利者名塔無舍利者名
枝提如佛生處得道處轉法輪處泥洹處菩
薩像辟支佛窟佛腳跡此諸枝提得安佛華
蓋供養具若有言佛貪婬瞋恚愚癡已斷用

是精舍供養為得越毗尼罪業報重是名塔
枝提

供養具者佛住舍衛城乃至諸比丘白佛言
世尊得持塔供養具供養枝提不佛言得若
佛生日得道日轉法輪日五年大會日當此
時得持供養中上者供養佛塔下者供養枝
提若有言佛姪怒癡已盡用是幡蓋供養為
越毗尼罪業報重是名枝提

伎樂供養者佛住舍衛城時波斯匿王往詣
佛所頭面禮足却住一面白佛言世尊得持
伎樂供養迦葉佛塔不佛言得迦葉佛泥洹
後吉利王以一切歌舞伎樂供養佛塔今王

亦得佛言若如來在卅若泥洹後一切香華
伎樂種種衣服飲食盡得供養爲饒益世間
令一切衆生長夜得安樂故若有人言卅尊
無姪怒癡用此伎樂供養爲得越毗尼罪業
報重是名伎樂法

收供養具者佛住舍衛城卅時諸比丘白佛
言卅尊我等得收枝提供養具不佛言得收
者若佛生日得道日轉法輪日五年大會日
多出幡蓋供養枝提若卒風雨一切衆僧應
共收不得言我是上座我是阿練若我是乞
食我是糞掃衣我是大德汝等依是活者自
應收若風雨卒來應共收隨近房安不得護

房言著先處濕者應曬塵土坩者應抖擻壘
舉若言我是上座我是阿練若我是乞食糞
掃衣我是大德得越毗尼罪是名收供養具
難者佛住舍衛城時尊者優波離往詣佛所
頭面禮足白佛言世尊若塔物僧物難起當
云何佛言若外賊弱者應從王求無畏王若
言尊者但住莫畏若我後事不立者隨意尔
時應量王力強弱強者便住弱者應密遣信
往賊主所求索無畏王若言我今自恐不立
何得無畏尊者自可從賊索救護者應看賊
賊是邪見不信佛法不可歸趣者不可便捨
物去應使可信人藏佛物僧物當先探候看

賊不可令奄尔卒至若賊來急不得藏者佛
物應莊嚴佛像僧坐具應敷安置種種飲食
令賊見相當使年少比丘在屏處伺看賊至
時見供養具若起慈心作是問有比丘不莫
畏可來出尔時年少比丘應看若賊卒至不
得藏物者應言一切行無常作是語已捨去
是名難法

塔法并塔事

塔龕及塔園

塔池及枝提

伎樂供養具

收檢香華難

十四跋渠竟

具足舉羯磨

舉事并布薩

病法毗尼罪

重物及食蒜

為殺并刀治

方面受衆生

滅偷婆法後

摩訶僧祇律卷第三十三

攝

埏

反丁 田

盆

字盆

習

狎

甲下

受

陰

禁下

於

雇

音故

瞻

匐

下北

蒲

創

古

文

垣

音音

園

一

長

衣

杖上

音

陶

著

作上

正

串

反古

患

蹬

登正

作

蹬

梯

他上

向

反上下

糠

康音

札

反側

八

輪

炬

巨音

抖

擻

叟

字

音

斗

黠

慧

八上

閑

枳

反居

只

澆

反古

堯

漑

灌

既上

古

愛

反一

音

椰子

遮上

余

販

反方

万

埤

反丁

果

捐

格

古上

陌

眉

剋

鏤

下上

正

作

刻

穴

反肉

拘

睽

反失

漆

反俱

下

鈆

錫

反先

擊

反綠

下

瘞

疱

反上

昨

反負

刷

反所

八

簪

側作

含

反反

又

搔

頭

反上

蘇

鑰

石

反上

豪

猪

獾

輒上

反音

毫

作下

驢

痒

養音

基

反居

其

攔

楯

尹下

時

規度

上傾 彌及

所賣 及

涕唾

上音替 土卧及

下 龕

反若 含繒

疾陵

練若

者下汝 及

土全

作下蒲 及

反 探候

上反 土

繒

奄

衣者 及

伺看

上相寺 及

反

探候

上反 土

繒

摩訶僧祇律三十三卷

攝

